

ES auch Bergkmeister vñ Geschworne / zu besich-
tigung der Lehen / die selben frey zumachen erfor-
dert / Sol ihnen drey groschen für ihre gebür ge-
geben werden.

Geschworne.

ES sollen auch zwene berckvorstendige mann / zuge-
schwornen / vnserrn Bergkmeister mit gebürlicher
verpflichtung zugeordnet werden / die neben yhm
treulich auffsehen haben sollen / das zu rechter zeit / an
vnd ausgefaren / auch fürsichtig vnd treulich gearbeit /
vnserr vnd gemeynerr gewercken nutz zuschaffen / vñ wue
sie in gebeuden / odder andern schaden vormercken / oder
befinde würden / dasselbige abzuwenden / vñ zuuorkome
vleißigen / Was aber in ihrem vermügen nicht zuuerhü-
ten were / Solchs an vnserr ober ambleute / beuelhaber /
vnd berckmeister mit gutem bericht / gelangen lassen / die
sollen als dan / die gebrechen andern / abschaffen / odder
nach gelegenheyt zustraffen fürnehmen / vñnd in alwege
ob diejer vnser ordnung vestiglich halten / auch vor sich
selbs / getrealich nachkome / vnd geleben.

Von versturzung des Bergrs in Schechten / Stollen / vnd Strecken.

ES sollen auch vnser itzige / vnd zukünfftige Bergk-
meister vnd Geschworne / vleissige auffachtung haben /
auff das versturzen das zu zechen / stollen vnd strecken /
das es schaden gebiert / nicht zuuorhengen / bey ernster
straff vnd peen. Das